

奉天通志

第一函

地 410
42
/6



奉天通志卷十四

大事十四 明

明四 景帝 英宗

景帝景泰元年春正月命遼東兵住永平聽調

明實錄正月庚寅命都督焦禮施聚等統領遼東官軍暫住永平城操練聽調

遣遼東兵還鎮

明實錄正月庚子少保兼兵部尙書于謙奏有軍人王貴自虜中還言阿刺知院人馬往遼東搶掠今都督焦禮施聚領軍還遼東乞勅沿途謹慎隄備務須首尾聯屬互相接應不許自分彼此因而誤事從之

奉天通志

卷十四

大事十四 明四 景帝

一

閏月進遼東守備焦禮施聚爲左右副總兵

明實錄閏正月丁未敕諭遼東寧遠守備右都督焦禮義州守備右都督施聚今特命爾禮充左副總兵爾聚充右副總兵各在本處守備遇警領軍協同總兵官左都督曹義等殺賊爾須運謀奮勇同心竭力以成其功毋或自分彼此有誤事機如違取罪非輕

命登州歲運粟餉廣寧軍

明實錄閏正月辛酉命山東登州衛歲運糧一萬石赴遼東廣寧城餉軍

蠲減遼東屯糧

明實錄閏正月壬戌提督遼東軍務左都御史王翱奏廣寧等

衛屯軍去秋有被虜選守城者其該徵子粒乞全蠲免其尙留屯田者亦被胡騎踐踏乞蠲其半從之

二月遼東鎮守太監易信奏請改造手把銃許之

明實錄二月壬辰鎮守遼東太監易信言軍中手把銃輒不繼賊已習知每乘隙進兵自今手把銃須柄長七尺上施槍頭銃盡用槍庶不摧挫因以木爲式上聞詔兵仗局造之亦按易信之

易名遼陽摧將軍墓志宣德元年同太監亦信下奴兒干等處是也

三月謫棗強縣知縣張純於遼東

明實錄三月乙巳直隸棗強縣知縣張純坐事爲民以銀百兩賂奉御舒良求平反良不從純懷出北安門爲官軍所詰送都察院鞫之引伏詔充遼東邊衛軍

奉天通志

卷十四

大事十四 明四 景帝

二

召募納米於遼東

明實錄三月辛未命戶部出榜召募各處軍民客商人等納米以備各處軍餉賑濟飢民其不用兵處遼東四百石俱給冠帶以榮終身半其數者賜敕旌爲義民從十三道監察御史畢鸞等奏請也

夏五月免遼東災糧

明實錄命瀋陽等衛今年夏稅減免十分之七秋糧子粒減免十分之四俱存附近備用以歲旱薄收從巡撫右都御史朱鑑奏請也

建州入犯遼東詔朝鮮出兵截擊

明實錄五月癸丑敕朝鮮國王李珣曰近得鎮守遼東總兵等

官奏報開原瀋陽等處達賊入境搶掠人畜及攻圍撫順千戶所城池審知各賊乃建州海西野人女直頭目李滿住凡察董山刺塔爲北虜迫脅領一萬五千餘人來寇守備官軍追逐出境又稱欲增人馬再來攻劫已遣救遼東總兵等官整擻軍馬固守城池設法擒勦朕詳李滿住等素與王國有仇至今懷恨不已恐其乘機前往王國地方哄嚇爲寇不可不預爲之備敕至王宜戒飭邊將嚴整軍馬謹慎烽埃設法防備倘遇前賊出沒潛遁卽便截殺以除邊患

朝鮮文宗實錄四月癸巳時韃靼脫脫王屯兵廣寧遼東近地也先屯大同城外李滿住等諸種野人皆投于彼聲言將擊遼東以及我國金宗瑞在平安請修州郡城堡以備要害政府沮

奉天通志

卷十四

大事十四 明四 景帝

三

之至是復上書言之

明史朝鮮列傳會遼東奏報開原瀋陽有寇入境掠人畜係建州海西野人女真頭目李滿住等爲嚮導因與珣相爲犄角截殺之

召鎮守遼東太監易信還京

明實錄五月戊午召鎮守遼東太監易信還京時建州衛都督李滿住潛通胡虜都督刺塔散兵剽掠少保兼兵部尙書于謙以信其親黨恐泄事機請密爲區處故有是命

復遼東軍羅綺爲大理寺右寺丞

明實錄五月戊辰召前大理寺右寺丞羅綺至命復原職綺正統間坐事謫戍遼東尙書金濂薦其才可用故有是命

六月提督遼東軍務王翱請分兵三路討建州

明實錄六月癸未提督遼東軍務左都御史王翱奏海西建州李滿住刺塔等累入境肆掠臣等議調官軍分三路先擒勦滿住凡察董山三寨然後發兵問罪海西救翱量度事機如其可圖分兵攻勦否則慎勿輕舉

七月也先聲稱奉上皇回京詔遼東沿邊諸將備邊

明實錄七月癸亥敕遼東沿邊總兵等官曰今得瓦剌公幹回還右侍郎李實說稱也先要於八月內遣人馬奉上皇回京師朕念此賊譎詐非一日矣爾等務須晝夜爲備不可墮其計如違誤事取罪非輕爾等其慎重之

八月寇入遼東總兵官曹義追敗之於連州

奉天通志

卷十四

大事十四 明四 景帝

四

明實錄八月戊寅虜入遼東境總兵官左都督曹義都指揮王祥耿和等率軍追至連州賊千餘人分三處各占山頭以拒官軍義等奮勇齊進斬首七級生擒四人獲馬十三匹遂奔散出境遺棄所虜男婦一千七百五十餘名頭畜稱是參將胡源亦率軍追賊至鷹湖連戰敗之追奪所掠男婦十九名

十一月進王祥爲都督僉事仍掌遼東都司事

明實錄十一月甲辰陞遼東都指揮使王祥爲左軍都督僉事仍掌都司事以擒敗達賊功也

全遼志^四 累陞都督僉事仍掌都司事

遼東志^五 累功陞都督僉事統領遼陽人馬

進李純從二品俸

明實錄十一月乙丑陞鎮守遼東左副都御史李純從二品俸以其有殺賊功也

二年春正月遣石忠至遼東候見脫脫不花

明實錄正月丙午敕提督遼東軍務左都御史王翱鎮守太監宋文毅曰得爾等奏報脫脫不花王親領人馬收捕野人女真欲到開原空城已敕永平山海總兵官選調精銳官軍五千人委參將一員管領在開原操候又令在京選調官軍三千操備聽候策應永平山海爾等遇賊來到先飛報永平等處仍自相機勦殺不許似前賊已臨門猶自不信退縮畏懼坐失事機如違必重罪不宥今命都指揮石忠來遼東伺候脫脫不花王來近爾處爾等卽量遣人伴送石忠往與相見而歸毋或違誤

奉天通志

卷十四

大事十四 明四 景帝

五

給遼東軍馬

明實錄正月壬戌給遼東官軍馬二千匹

二月修永寧監城堡

明實錄二月庚辰修遼東永寧監城堡

提督遼東軍務王翱復請討建州許之

明實錄二月丁亥敕遼東提督軍務左都御史王翱並鎮守總兵參將等官曰得爾等奏建州三衛賊首李滿住等姦詐百端方送還人口又縱賊虜掠爾等欲選摘精銳馬步官軍往近邊駐劄省諭滿住等將所虜人口盡數送回軍前報罪如或展轉延調就便相機征勦今悉准奏敕至爾等務在籌議停當計出萬全不可輕易忽畧有誤事機

築雪裏站堡城

明實錄二月戊子提督遼東軍務左都御史王翱奏欲以連山把截官口左右并迤東第四站雪裏去處築置城堡撥軍守把防送使臣保障軍餘屯種從之

逮遼東鎮守內官陳海

皇明大政記五十補遺二年二月捕遼東鎮守內官陳海海以鐵劍與夷人哈丹易馬被劾又有司禮監高顯情強奪人房屋仍飾奏法司禁錮

夏四月朝鮮防建州李滿住童倉等侵入

朝鮮文宗實錄四月丁亥諭平安左右道節制使曰今久旱慮鴨綠江水淺賊人易涉況今忽刺溫遺種及李滿住童倉輩來

奉天通志

卷十四

大事十四 明四 景帝

六

接婆豬地面密邇我疆變在朝夕甚可畏也勿謂邊警稍息常如見敵毋或小弛諭咸吉道都節制使曰忽刺溫李滿住童倉等移接婆豬及脫脫兵馬來屯豆門地面眞僞林哈刺發程至接處宜遣親信野人不煩聞見連續啓達

又八月辛未議政府啓今被擄逃來唐人唐貴張順等供稱吾等去年八九月間爲李滿住凡察等管下人所擄今年六月乘夜逃出晝行夜歇五日至理山地面滿住曾居渾河今年三月畏達達及遼東軍馬率部下移居渾河迤南十日程枉天地面自枉天以南二日程地名吾未何吾未何以南半日程地名婆豬江自婆豬江至枉天道路不險其間雖有川河人馬皆可通行吾未何西邊有兀刺山城滿住管下人等常言右山城險阻

西不畏遼東北不畏達達唯南邊朝鮮軍馬甚可畏然避亂之地莫如此處今年秋收後當來居于此以是觀之上項滿住等移居處與本國後門不甚相遠且賊路平易滿住等不忘舊釁乘虛突入作賊可慮

五月進佟火你爲建州右衛都指揮使

明實錄五月戊戌陞建州右衛都指揮僉事佟火你爲都指揮使指揮同知李吾哈爲都指揮僉事賜綵幣有差先是提督遼東軍務左都御史王翱等奉命遣人往建州諭李滿住等俾送還原虜人口至則滿住等先已避脫脫不花王兵遠遁獨佟火你等在引使人深入獲見滿住送還人口三百二十人佟火你又備方物入貢翱等言其効勞可嘉乞增秩獎勵故有是命

奉天通志

卷十四

大事十四 明四 景帝

七

脫脫不花王遣歸遼東總旗高能等

明實錄五月己酉遼東三萬衛所鎮撫總旗舍人高能等七人先是齎敕往海西等衛招撫遇脫脫不花王部下虜以去至是遣使送回

朝鮮文宗實錄八月甲戌下諭書于平安道右道都節制使曰今來左道都節制使啓本節該李滿住管下金納魯等六名到江界地面滿浦問其來由則曰脫脫兵馬擊海西衛殺虜人物因此滿住不得寧居今年三月還居兀刺山城瓮村凡察子甫下吐則移居瓮村迤北十五里吾毛水之地充尙則移居瓮村上項滿住管下一千七百餘戶充尙甫下吐管下共六百餘戶自桑木仇非至于沈者羅老林加羅古家基址則海西衛指揮

李滿者率管下一千餘人來止因今年大水禾穀不實吾等爲請口糧受滿住印信文引而來滿住亦欲於九十月間遣其子古郎巨來獻土物右金納老常往來江界等處道路遠近備嘗知之託以乞糧窺覘虛實實爲可疑然因饑乞食而來不可拘留臣饋以酒食給粟米十二斗黃豆六斗鹽醬各六斗以遣之予亦以爲滿住充尙海西野人等密邇境上連兵作賊誠爲難測防禦諸事日加謹慎今去事日看詳曲盡施行

秋八月修牛莊至高平橋梁倉庫

明實錄八月乙亥提督遼東軍務左都御史王黼奏遼東自在州牛莊驛至廣寧高平驛近因雨水泛漲橋梁途路倉庫墩牆多壞請次第修理從之

奉天通志

卷十四

大事十四 明四 景帝

八

遼東軍餘卞剛等自虜歸給冠帶

明實錄八月己卯兵部奏遼東軍餘卞剛等自虜中脫回言也先在黑松林造牛車三千餘輛與脫脫不花王議今秋差使臣三千人來京貢馬大衆隨後窺探中國宜行在京及各邊總兵等官嚴加隄備剛等能傳報賊情宜授冠帶總旗從之

九月給遼東軍馬

明實錄九月丙申給遼東官軍馬一千五百匹

朝鮮遣歸遼東居民

明實錄九月壬子遼東男婦三十七口先爲胡寇所虜至是走回過朝鮮朝鮮給衣糧腳力送之來歸

冬十月建州衛李滿住董山等來朝

明實錄十月乙酉建州等衛女直都督李滿住董山等自正統十四年以來乘間掠邊境遼東爲之困敝提督遼東軍務左都御史王翱等遣指揮王武經歷佟成往招之至是稍歸所掠男女而身自入朝貢馬謝罪

冬十月詔朝鮮絕建州等衛

明實錄十月丁亥敕諭朝鮮國王李珣曰近得邊將奏建州野人女直頭目李滿住累遣人往王朝鮮界與婆猪江邊堡官司結約而回其官司又令十月再至爲之啓王朕惟建州諸夷皆是祖宗以來設置衛分陞授官職俾各管束人民自在居住所以眷待之者甚厚而狼子野心背義忘恩乍臣乍叛譎詐百端況李滿住等素與王國讐隙今一旦通好往來此必假以投順

奉天通志

卷十四

大事十四 明四 景帝

九

爲名窺伺王國虛實然後招引他寇乘間肆侮其爲王國之患無疑王宜戒敕邊堡官司嚴慎隄備如彼遣人至邊果無釁端則惟拒而勿納有則擒之解京庶免後患

明史朝鮮傳二年冬以建州頭目潛與朝鮮通戒珣絕其使十一月免遼東災糧

明實錄十一月乙卯減免遼東諸衛是年被災子粒糧三萬遼海鐵嶺三衛海州沙嶺驛堡全免之瀋陽中衛免其半定遼五衛并東寧六衛免其十分之三從巡撫左副都御史李純奏請也

十二月定遼東開中鹽糧則例

明實錄十二月戊子提督遼東軍務左都御史王翱言遼海三

萬鐵嶺等衛糧儲少積欲開中鹽糧戶部覆奏宜量地遠近斟酌則例准鹽六萬引每引粟米六斗黑豆二斗浙鹽三萬引每引粟米三斗黑豆二斗俱於遼東衛上倉以給本衛并三萬衛淮鹽四萬引每引粟米八斗黑豆二斗浙鹽一萬五千五百四十八引每引粟米五斗黑豆二斗俱於鐵嶺衛上倉不次支鹽從之

三年春正月給遼東軍馬

明實錄正月辛酉給遼東官軍馬三百二十二匹

二月增山東布按二司官理遼東邊儲

明實錄二月己卯添設山東布按二司官各一員于遼東理邊復募運米於遼東給冠帶

奉天通志

卷十四

大事十四 明四 景帝

十

明實錄二月癸未提督遼東軍務左都御史王翱奏開原鐵嶺急缺邊儲請募軍民有能於遼東城運米千石赴開原倉海州城運米千石赴鐵嶺倉者俱賜以冠帶俾榮終身從之
召王翱還京命副都御史寇深代之

明實錄二月壬辰以提督遼東軍務都察院左都御史王翱在邊年久還京命副都御史寇深往代之

遼東志^五 景泰三年召回加太子太保尋命總督兩廣軍務三月以程信爲山東右參政督餉遼東

明實錄三月戊戌陞吏科給事中程信爲山東布政司右參政楊鏞爲山東按察司副使先是戶部言遼東都司倉糧俱軍衛管轄奸弊日滋乞添設山西山東布按二司官各一員分督邊

儲吏部舉信等堪任故陞用之

遼東志^五後陞遼東左參政巡撫都御史寇深得請倉官吏卒盜糧石論死又造新斛加舊式二寸付信鈎考信曰使而真盜斗可殺也今爲此加斛以置之死豈情也哉取舊斛校之曰出入準是碎其新者而火之以內艱去

皇明大政記^{五十三}三月戊戌陞左給事中程信山東參政治遼東糧

明史程信傳明年二月出爲山東右參政督餉遼東巡撫寇深奏盜糧一石以上者死又置新斛視舊加大屬信鈎考信立碎之曰奈何納人於死深由是不悅

建州右衛凡察子卜花禿來歸

奉天通志

卷十四

大事十四 明四 景帝

十一

明實錄三月丁未先是建州右衛都督凡察子卜花禿嘗從其父擾邊剽掠人畜及凡察死又糾賊徒入遼東盜馬殺官軍至是都指揮王武招撫來降皆至京師服罪兵部及六科劾其悖逆不忠罪深重宜正典刑以彰天討詔卜花禿罪固難容但彼夷人且來服罪宥之

朝鮮文宗實錄三月壬戌命都承旨姜孟卿問安于使臣使臣曰皇帝招致李滿住童倉而不招卜哈禿卜哈禿慊之搶奪遼東牧馬十七匹而去皇帝勅滿住等拿卜哈禿以來否則當擒殺汝輩滿住督卜哈禿赴京卜哈禿不應滿住曰見咎於爾猶可也若得罪皇帝則我輩無所逃矣遂拿卜哈禿而歸今將敕意往諭之則彼必順命孟卿曰皇帝之命普天之下凡有血氣

者莫不順從若我國則雖差人往諭豈肯聽順使臣良久曰殿下之言吾思之甚合事理不可差人委往又毋使彼人得知勅書到國待後門探候之人急速回報然後予亦決其可否矣
夏四月寇犯河塞指揮楚鳳擊敗之

明實錄四月辛未遼東總兵左都督曹義奏韃賊入犯河塞殺傷軍餘六人掠牛十頭把總指揮楚鳳等率兵追勦斬首十級擒五人盡復所掠牛而還獻俘京師

建州衛都督納郎哈等來朝

明實錄四月壬申遼東都指揮僉事王武奉命往建州等衛拘取原搶人畜并捕達賊卜花秃遂招降都督納郎哈等五十一人來朝各貢馬匹貂鼠皮賜織金襲衣絹疋有差

奉天通志

卷十四

大事十四 明四 景帝

十一

五月給遼東軍馬

明實錄五月甲辰給遼東廣寧開原等處操備官軍馬一千匹減募納遼東米數

明實錄五月丙辰初軍民客商于遼東納米四百石者給冠帶以榮其身米價踴貴上納者寡巡撫左副都御史李純請減爲三百石復請總旗能備米菽六百石小旗舍人七百石餘丁八百石赴鐵嶺等處上納者授試百戶子孫承襲就註原衛署事詔以邊儲爲重俯就權宜皆從其請

減遼東稅課司稅鈔

明實錄五月丁巳減遼東遼陽稅課司稅鈔本司額辦鈔二十一萬三千六百八十五貫至是以連被虜商旅不通故減其半

秋七月建州衛李滿住奏請復令王翺鎮遼東

明實錄七月丁未建州衛都督李滿住奏曩時都御史王翺鎮守遼東夷民感惠今聞回京如失父母乞仍令鎮守又言本衛指揮使趙安禿乞增一職同臣治事詔報滿住翺已別委任矣九月寇入開原

明實錄九月戊戌遼東總兵官都督曹義奏八月十日夜達賊于開原鑿牆入境殺死軍丁三人虜去軍婦三人守備左參將胡源次日方出追襲雖斬獲賊首十有八級奪回人畜終係失機請治其罪命寇深取源罪狀仍舊備邊再誤事不宥

振遼東災

明實錄九月敕遼東等巡撫官曰近者各府州縣多奏水旱如

奉天通志

卷十四

大事十四 明四 景帝

十三

果屬實卽將未徵糧草停免

通鑑明紀五九月乙未振遼東被災州縣

提督遼東軍務寇深奏請移來歸夷人於內地

明實錄九月庚戌提督遼東軍務副都御史寇深奏開原等處安插來歸人四百餘戶夷恐後益多難以鈐制乞候邊事稍息移入腹裏地方安住自茲以後凡來歸者宜還內地兵部議恐違土性之宜致沮來歸之意宜仍行深等再加參酌具奏定奪從之

冬十二月詔考郎兀衛遣還遼東被虜人民

明實錄十二月辛卯敕考郎兀衛都指揮使格哈及大小頭目人等曰爾等世受朝廷官爵設衛給印既不能效力補報朝廷

乃又結連外寇擾我邊境掠我人口肆爲悖逆論爾等罪本難容但朝廷恩同天地念爾等既能認罪悉宥不問勅至爾等卽各將原虜人口令人盡數送赴遼東總兵等官處交還庶蓋前愆

召募納粟於遼東補官

明實錄十二月壬子巡撫遼東左副都御史李純奏三衛遼海鐵嶺等倉急缺糧雖屢奏招諭軍民納粟補官奈今歲田畝多被災傷米價騰湧乞命戶部更定事例召校尉民匠人等俱許於三萬遼海鐵嶺納米八百石米豆相兼者授試百戶能加六百石陞一級皆註原籍衛所管事子孫承襲及減納三百石冠帶例爲二百五十石以便赴召者從之

奉天通志

卷十四

大事十四 明四 景帝

十四

四年春正月詔弗提等衛遣歸遼東被虜居民

明實錄正月壬午敕弗提等衛都督常安奴并大小頭目人等曰正統十四年爾等誘引北虜犯我遼東邊境掠去人口景泰元年爾等又來開原等處犯邊將山東一帶直抵遼陽等處男婦擄去論爾等罪本難容恕但朝廷弘天地之量置而不問已降敕免赦爾等罪令卽將人口送還而爾等仍復遷延顧望不盡數送來其意如何敕至爾等宜痛改前非速將原掠人口盡送遼東總兵官處交收伴送來京

夏四月寇犯廣寧

明實錄四月甲寅達賊五十騎犯廣寧殺夜不收三人掠馬九匹廣寧備禦都指揮鄧鐸不卽勦捕提督軍務左副都御史寇

深奉旨執問奏聞降鐸爲充事官

六月遼東戍卒李福惠等作亂捕送京師伏誅

明實錄六月癸巳遼東戍卒李福惠妖僧王海等潛于旋峯塘聚謀爲亂福惠稱唐太宗後僞號太清國授海國師并其徒康不在隨等爲總兵都指揮等官流亡軍民爲其誘迫者已數百人提督軍務左副都御史寇深等覘得其狀遣備禦都指揮僉事周瑛等捕獲械送京師命都察院鞫之

皇明大政記_五六月遼東戍卒李福惠妖僧王海等伏誅

冬十月命寇深兼巡撫遼東提督糧儲

明實錄十月辛丑命提督遼東軍務左副都御史寇深兼巡撫及總督屯糧倉場糧儲賜敕諭之

奉天通志

卷十四

事十四 明四 景帝

十五

進遼東副總兵施聚爲左都督

明實錄十月乙巳陞遼東副總兵右都督施聚爲左都督官軍一百一十八人俱陞一級以登州營斬獲達賊功也

遼東志_五以功陞左都督

明史巫凱傳聚以勇敢稱官至左都督

也先自立爲可汗詔遼東備邊

明實錄十月丁未敕總督總兵等官少保兵部尙書于謙等曰比聞瓦剌也先擅易名號其姦計必有所在京師備禦不可不嚴並敕遼東等處總兵鎮守官一體戒嚴備邊

十一月寇犯興水縣堡左副總兵焦禮擊走之

明實錄十一月甲寅達賊二千餘騎犯遼東興水縣堡左副總

兵都督焦禮率官軍擊走之生擒一人獲其馬牛百餘

明史焦禮傳景泰四年賊二千餘騎犯興水堡禮擊走之璽書獎勵

十二月進遼東副總兵焦禮爲左都督

明實錄十二月丙申陞遼東左副總兵右都督焦禮爲左都督都指揮僉事劉英署都指揮僉事任義俱爲署都指揮同知官軍三百八十人陞賞有差以興水縣堡等處擊賊功也

命遼東召商中鹽

明實錄十二月甲辰戶部奏遼東軍馬數多糧用浩大宜預爲措置請召商中鹽遼海三萬二衛中兩淮鹽每引米豆中半五斗五升兩浙鹽四斗長蘆鹽二斗五升鐵嶺衛中兩淮鹽每引

奉天通志

卷十四

大事十四 明四 景帝

十六

米豆中半六斗五升兩浙鹽四斗五升長蘆鹽三斗從之

五年春正月罷復州龍潭二馬苑

明實錄正月辛未革遼東苑馬寺復州龍潭二苑從本司少卿祝銘奏其官多事少也

夏六月福餘等衛請居大寧廢城不許詔去塞二百里外居牧

明實錄六月辛丑先是泰寧等衛都督僉事革干帖木兒等遣人上書言往者也先令我三衛來擾邊方近又召我三衛聽彼驅役切思我三衛人民世受天朝大恩不敢背逆願附塞居住爲中國藩籬且乞大寧廢城及甲盾見賜如有外侮願備前驅事下兵部太保寧陽侯陳懋等言朶顏等衛欲附塞居住從違兩難但可去塞二百里外居住詔從之至是使人還賜之敕曰